

涑水縣志

健堂題



±也130.181

39

部 = 4



食貨志

涑水縣志

卷三

食貨

寶道著而歲事成出與入相權上與下相權而足國足民胥此矣涑邑受圈賦額無多俸工營驛之需歲不下五倍焉

翠華所經頓宿橋道絲毫出自帑項不以累民而民困何以如故也蓋民無恆產以佃爲業租增則佃困地奪則不佃困雨暘愆期黠貪科派則佃不佃俱困而圈戶受補於他邑則困於遠游賈居奇於然眉則困於近又無論已司牧者釐賦勸墾使人無遺力地無遺利復酌豐歉之年以廣爲之備困其庶幾可蘇哉

作食貨志

舊志

田賦

原額民地四千二百八十一頃四十五畝二分三釐三毫六絲五忽順治二年等圈佔并投充帶地三千五百六十八頃二十三畝六分五釐順治七年等奉文除豁山後水衝荒地七十二頃四十二畝五分五釐存剩地三百九十八頃四十七畝四分九釐三毫六絲五忽

山後減派地二百一頃三十七畝二分九釐

減派地乾隆二十三年

年奉文改名條編

沙壓地三十五頃二十四畝六釐

涑水縣志

卷三

田賦

一一

水衝地五頃七十畝二分一釐

順治十年至十七年退出告准及清出丈出共地九十

九頃五十九畝八分順治八年至十四年認補天津

衛地六百六十三頃八十畝三分一釐七毫五絲

坐落

天津糧額仍在本縣奏報

康熙元年至十五年退出清出地三十

頃三十畝五釐四絲六忽七微康熙元年至雍正十

三年認墾天津衛今改歸青靜二縣地二百七十二

頃四十三畝八釐一毫五絲

糧額亦在本縣奏報

康熙十六年

至雍正十二年退出清出改歸開墾共地一百一十

四頃六十四畝三分三釐以上退出告准開墾清出

丈出及連前原存共地一千八百二十一頃五十六畝六分三釐七絲一忽一微

康熙五年至乾隆三年復圈水衝豁免改額共地一百七頃五十三畝九分九釐四絲五忽乾隆三年奉文將受補天津衛認補認墾今分青靜二縣地九百三十六頃二十三畝三分九釐九毫俱改歸青靜二縣糧額訖實在存剩共地七百七十七頃七十九畝三分二釐五毫二絲六忽六微

乾隆八年至二十四年開墾及出旗為民隨帶認墾升科共地四頃二十畝一分二釐九毫八絲一忽

涇水縣志

卷三

田賦

乾隆十一年至二十年剔出另冊造報及開除共地二頃七分七釐三毫

地分七則

大糧地 共四百四十九頃七十六畝四分六釐七毫一絲七忽一微 每畝徵銀四分一釐二絲六忽

本州改歸地 共四十八畝六分八釐七毫 每畝徵銀四分八釐二毫八絲四忽一微六沙七塵五埃

大興縣改歸地 共二頃四十九畝八分一釐 每畝徵銀四分一釐二絲

條編地即減派 共一百五十九頃七十七畝一分八釐四

絲三忽六微 每畝徵銀三分九釐五毫六忽

開墾地 共九十五頃五十一畝六分九釐四毫三絲

九忽五微 每畝徵銀三分九毫八絲九忽

河淤地 共五十九頃二十六畝九分七釐七毫一絲

三忽 每畝徵銀二分九毫八絲九忽九微

衛糧地 共五頃八十八畝 每畝徵銀一分九釐五

毫六忽

沙壓地 共七十六頃一十三畝七分二釐五毫五絲

每畝徵則同衛糧

水衝地 共六頃零三畝三分九釐五絲 每畝徵銀

涿水縣志

卷三

田賦

一分九毫八絲九忽九微九纖

原圈退出民糧上地 共一頃三十一畝二分二釐

每畝徵銀四分一釐二絲六忽八微

中地 共十七畝二分四釐 每畝徵銀三分九毫八

絲九忽九微九纖四沙

查出隱匿墾荒地 共二十二畝九分九釐九毫六絲

八忽五微 每畝徵銀七錢一分二釐七毫

以上實在存剩行差地 共八百五十七頃七畝三分

九釐一毫八絲一忽七微

共徵銀三千零七十七兩七錢九分五釐

加丁匠銀六百三十七兩一錢八分六釐

加地閏銀二百零六兩一錢五分六釐

按衛糧地自改以來例不加徵

地閏

加丁閏銀二十四兩四錢四分一釐

以上遇閏歲徵銀三千九百四十五兩五錢七分八釐

按撥補一項每歲造冊送司轉發該處按冊徵收

移解到縣按戶給領此定例也遠人情迫于望梅屆

期不至則懇請移催竟有一催再催而仍不應者雖

奏限尚不敢悞而欲小民獲受補之益難矣查乾隆三

年受補地畝改歸糧額青靜二縣尚有地九百餘頃

涑水縣志

卷三

田賦

五

今則存剩僅及十分之二二不得耕而急於租復不得

租而急於賣勢使然也民瘼所關殊堪憫惻至涑屬

傍山一帶豈無可墾之區然縱橫歐脫有荒不條且

犁鋤所及間年輪種以紓地力亦小民善為調度稍

博升斗墾而不報未遂違例其餘有願陞科者申請

給照按年勘結行糧

舊志

附戶口

原額人丁二萬七千七百六十一丁內除節年編審開

除投充優免本身人丁一萬四千六十九丁存剩人

丁一萬三千六百九十二丁

順治十八年至康熙二年刊書人丁共一萬四千四百五十二丁簡明賦役訂正之後康熙五年至五十年編審共增人丁八百五十五丁內康熙十四年奉部文贖回二丁

康熙五十五年欽奉

恩詔新增人丁永不加賦惟於編審之年將新增滋生人丁冊報部是年至乾隆六年除雍正十二年本州改歸本縣穆法等一百九十丁實共滋生人丁二百九十六丁

乾隆十一年至二十六年共收滋生人丁六十四丁又

涑水縣志

卷三

戶口

六

新收旗改民籍一百三十八丁

以上節次編審新舊人丁一萬五千九百九十三丁內除

盛世滋生補剩餘丁四百三十六丁欽奉

恩詔永不加賦外實在行差人丁一萬五千五百五十七丁乾隆二十七年至光緒五年統計現在人丁除節次開除投充優免外共五萬五千三百一十四丁丁匠按地糧攤徵每兩攤銀二錢七釐二絲零共徵銀六百一十二兩二錢九分零於雍正二年奉

旨攤入地糧之內徵收訖

按郡伯黃公可潤無極縣志所論編審名實利害之間權之精矣丁不輸課亦不當差人口滋生實可從煙戶冊內得其成數不必虛應以省重累予兩次奉行雖嚴飭吏胥不令藉端派擾而冊結之繁重老弱之奔馳既所不免其盈縮蠲收舊額之外滋生遂保無遺乎

國家誠求保赤凡遇災賑動累數百萬金按口支給奉行者將遵滋生冊乎抑遵煙戶冊乎事貴確而可循大司徒校登民版鉅典也爰因志戶口而申郡伯之義

舊志

涑水縣志

卷三

旗租

七

附旗租

公產 共地九十五頃二十八畝五分八釐莊窠三塊又

二塊計地基一畝九分五釐一毫場園地二畝七分二

釐房四十八間共徵租銀一千零二十七兩七錢四分

另案 共地三十一頃三十七畝四分四釐場園莊窠

地基九畝八分六釐徵租房七間無租房四間共徵

租銀四百六十兩七錢四分七釐七毫

三次 共地五頃八十畝五分共徵租銀九十八兩四

錢七分九釐

四次 共地二百六十六頃六十九畝三分六釐莊窠

場園等地八畝九分三釐又莊窠五處石板瓦土草房四十四間無租房四間共徵租銀四千五百七十七兩五錢五分七釐

存退 共地三十五頃三十九畝五分九釐九毫又莊窠二所石板瓦土草房五十間共徵租銀五百一十六兩五錢六分一釐四毫

奴典 共地四十一頃五十畝一釐莊窠莊院場園等地十二畝八分八釐草棚莊窠房十間無租房窠房一間共徵租銀七百五十二兩五錢九分七釐

以上六正項共徵租銀七千四百三十三兩六錢

涑水縣志

卷三

旗租

八

八分二釐一毫

廣恩庫項下置買 共地十四頃六十五畝六釐莊窠一所共徵租銀二百三十二兩七錢九分二釐

鑾儀衛項下置典 共地七頃七十畝六分共徵租銀一百六十六兩九錢四分

馬館項下 共地五頃七十六畝共徵租銀一百四十二兩七分

以上三雜項共徵租銀五百四十一兩八錢零二釐按旗租頭緒紛繁有歸公有抄沒有給贖有帶徵其開除則有認買於戶部有撥補於莊頭持劄到縣如

數指交忽多忽少不若地糧之一成而可守也然有徵收有批解有奏限則絲毫皆關民命時刻均係考成舊志未及此項豈其時尙有待抑或爲數無多與今租額較溢於地糧情徵與苛徵兩無當也爰鄭重而特書之

舊志

光緒十五年至十六年奉

旨清賦首報升科共地一百三十六頃一十七畝六分共徵租銀五百九十兩零一錢七分七釐

附雜稅

牙帖九名 每名稅銀一錢九分二釐

涑水縣志

卷三

雜稅

九

當店三座 每座稅銀五兩

牛驢稅 每兩三分 油稅 每百觔一分五釐

豬稅 每兩三分 煙葉稅 每百觔一錢五分

房地稅 每兩三分

以上各稅俱無定額儘收儘解

附鹽政

舊制按丁派引涑丁九千二百七十七丁歲食官鹽一千一百引近丁增一萬三千而引加三千六百前千人百引今千人三百引矣疏銷所以維難也或曰地多旗莊食鹽者眾然旗人或食縣鹽或食鄰鹽聽

其自便勢難盡一若令商人減價賤售商資既虧
國課何出惟令分投立店設法通融庶無壅滯亦於考成
不礙舊志

額引歲銷二千六百二引每引一張課銀六錢三分
八釐二毫七絲六忽外撥京引一百六十六張課銀同
經制

龍亭修理銀五錢

文廟修理銀十兩

本縣俸銀四十五兩

門子二名工食銀十二兩閏銀一兩

涇水縣志

卷三

經制

十

皂隸十四名工食銀八十四兩閏銀七兩

件作二名工食銀十二兩閏銀一兩

馬快八名工食銀一百三十四兩四錢閏銀十一兩

二錢

民壯三十四名工食銀二百零四兩閏銀十七兩

內撥入武清縣縣丞四名工食按季赴領

禁卒八名工食銀四十八兩閏銀四兩

轎傘扇夫七名工食銀四十二兩閏銀三兩五錢

庫子四名工食銀二十四兩閏銀二兩

斗級四名工食銀二十四兩閏銀二兩

典史俸銀三十一兩五錢二分

門子一名工食銀六兩閏銀五錢

皂隸四名工食銀二十四兩閏銀二兩

馬夫一名工食銀六兩閏銀五錢

巡檢俸銀三十一兩五錢三分

皂隸二名工食銀十二兩閏銀一兩

弓兵三名工食銀十八兩閏銀一兩五錢

教諭俸銀四十兩

訓導俸銀四十兩

齋夫六名工食銀三十六兩閏銀三兩

涑水縣志

卷三

經制

十一

門斗五名工食銀十四兩四錢閏銀一兩二錢

廩生二十名月糧銀六十四兩閏銀五兩三錢三分三

釐三毫

膳夫二名工食銀十三兩三錢三分三釐閏銀一兩

一錢一分一釐一毫

文廟崇聖名宦鄉賢春秋二祭銀四十兩

關帝廟三祭銀四十兩

社稷山川風雲雷雨城隍馬神八蜡等神春秋二祭銀

三十兩

文昌廟加祭銀一十三兩三錢三分三釐

無祀神鬼三小祭銀十兩

憲書銀三兩

鄉飲酒禮銀十兩

朔望行香紙燭銀一兩

吹手六名工食銀三十六兩閏銀三兩

鋪司兵十二名工食銀七十二兩閏銀六兩

更夫四名工食銀二十四兩閏銀二兩

火夫八名工食銀四十八兩閏銀四兩

孤貧五十三名口糧銀一百九十兩八錢閏銀十五

兩九錢

涑水縣志

卷三

經制

十一

冬衣布花銀十四兩七錢五分二釐四毫零

先農壇夫二名工食銀十二兩閏銀一兩

貢生花紅旗匾銀二兩五錢

二年一辦留支

會試舉人盤費銀五兩

二年一辦

新舉人牌坊銀二十六兩六錢六分零

新中進士牌坊銀三十三兩三錢三分零

新中武舉花紅旗匾銀三兩三錢三分零

新中武進士花紅旗匾銀六兩六錢六分零

以上俱三年一

辦每年應存前數奏前解司

膳錄書手工食銀八兩五錢七分

三年一辦留支

遞馬工料銀一百六十五兩九錢五分零閏銀十三兩八錢二分九釐四毫四絲五忽

積貯 倉厥詳建置

常平 原設額穀一萬五百六十二石七斗二升 山後三倉

俱在內今坍

社倉 原設存穀一千三百九十石三斗六升 今坍

義倉 原設五處共穀二千零九十五石四升五合 今坍

重修義倉 其實存穀一千三百零

按原設常平社義各倉均年久坍塌廢僅贖址基惟前令褚君登添建一倉尚堪儲穀然漂搖風雨四壁頽

涑水縣志

卷三

積貯

然亦岌岌乎就圯矣余於丙子蒞任後亟籌款而葺之并清查舊存穀石除歷前任虧缺撥缺豁缺外祇剩四百六十石有奇歲戊寅畿內亢旱滿目餓殍遂將此穀盡數平價出售為蘇民困又念倉儲不可久匱旋以所售之值暨另行設法捐款買穀歸倉似此糶陳糶新以入補出一轉移間積粟纍纍較舊存穀數實過之無不及也蓋義倉之設原以防旱潦而拯饑僅此中規畫全在司牧傳曰備豫不虞信然

附物產

風土各有所宜惟服食器用厚我民生者雖磽瘠之

區厥類不乏書曰不貴異物又曰惟土物愛厥心臧
又何上林盧橘西都比目之為貴也 舊志

穀類

粟 俗呼為穀去稻 石亭新莊 爾雅云眾稷爾雅云麥

廣雅云大蕎麥 葛秫如蔗味平無毒 梁

豆類 世傳菽是也

菜豆 青豆 黃豆 烏豆 紅豆 白豆 菀豆

虎爪豆 羊角豆 青扁豆 白扁豆

麻類

黃胡麻 白麻 黑胡麻 今日芝麻廣雅云巨勝即榮

涇水縣志

卷三

物產

古

麻 葉大而花黃 大麻 爾雅云象其實為廣 草麻

蔬類

蘿蔔 本草名萊菔有白黃紅三色又 蒿苳 邈齊間覽出

種茄 紫白二種 匏 苘蒿 莞菱 一名香菱 葱 蒜 韭

蒼蘩 菠薐 蔓菁 蕨 莧菜 芹 一名水英爾雅謂之楚葵性冷

黃花菜 即萱草花 芥 有紫芥黃芥二種

瓜類

王瓜 甜瓜 南瓜 稍瓜 冬瓜 菜瓜 瓜

絲瓜

果類

栗 棗 梨 胡桃一名羌桃 羊棗俗呼矢棗 柿 蘋果 虎刺
檳 杏一種苦杏共仁苦而傷人 李 桃 來禽 秋子似來禽而小
榴 蓮 櫻桃 無花果 葡萄 沙果

藥類

黃精 黃芪 菖蒲 黃柏 人參 大黃 蒼朮
柴胡 黃芩 升麻 漏蘆 秦艽 遠志 元參
細辛 沙參 防風 白朮 蒼耳 白薇 芍藥
狼毒 知母 南星 草烏 半夏 牽牛 紫蘇
石膏 桔梗 藜蘆 薄荷 茯苓 瓜蒌 荆芥
木賊 豬苓 蟾酥 澤瀉 茜草 唐菖 茅香
百部 百合 瞿麥 扁豆 五味子 車前子 蛇
牀子 鵝管石 旱蓮草 豨薟草 草決明 獨腳
蓮

花類

牡丹 芍藥 薔薇 蜀葵 蓮花 玉簪 長春
丁香 山丹 雞冠 金鳳 石竹 木槿 菊有數種
八仙花 滴滴金

草類

萱 蘆葦 蒔蘿 靛青 蔣草 蒿 茅 荻 艾
蘆 稗草類繁不勝載

木類

松 柏 檜 槐 梓 榆 椿 檣 楊 柳 桑
柘 檉 櫟 棠 楸

畜類

馬 羸 驢 牛 羊 犬 豕 貓 雞 鵝 鴨

禽類

雉 黃鴨 鵠 鶉 竹雞 蠟嘴 黃頭 鵪鶉 鶉
鴿 烏鴉 鷺鷥 鴛鴦 水鶴 鳩 雀 鶯 燕
雁 鶴 鷹 鵲 鷓鴣 鳧 鷓 鷓 鵠

獸類

鹿 麀子 山羊 兔 野豬 虎 豹 熊 狼

獾 狐 狢

鱗類

鯉 鮪 鯽 鰱 鰻 鱧 豆角魚 重唇魚
產巨馬河形似鯉

介類

鼈 蟹

蟲類

蠶 蜂 蝎 蛇 蛙 蝶 蚓 鼠 婦 鼠 蜻 蜓
螺 贏 蝙蝠 螳 螂 蝥 斯 蜘蛛 蟋 蟀 螻 蛄
蟾 蜍 蝎 虎 壁 蝨 豬 雉 蚱 蜢

貨類

炭 靛 絲 棉 紅花 黃白麻 菸葉

涑水縣志卷三終

涑水縣志

卷三

物產

七

